

Naunaipkainiq ihuinaarutiuyunik Naunaitkutakhat Angayukhiyunut Atan'nguyanut Atan'nguyayullu

Nunavut Kavamatkut (GN) akhuuquyait Nunavut Kavamatkunni (GN) havaktingit naunaiqtiquplugit ihumagumik ihuinaarutiqaqqat, ihuinaarutiqaqniarumiluuniit havakvingani. Tamna [Kavamatkunni Havaktingit Maliganga](#) (PSA) ihariagiyut atan'nguyayullu atuliqtitauyuq ihuaqtumik piyukhaq Kavamatkunni Havakvingani.

Tamna PSA unalu [iluani GN naunaipkaidjutinga](#) ilitariyaat havaanga piinarialik GN-kunni havaktunut piliuriamikni naunaipkaidjutinik ihuinaarutauyunik ukununnga iluanut ukunanullu angayukhiyut atan'guyat, atan'nguyamut, uumunngaluuniit Ministaup Tuglianga munariyuq PSA-mik uumungaluuniit Maligaliriniqmut Havaktinga.

Atan'nguyaugavit ilihimayukhauyutit havaarnik munariyakhatillu hapkununnga:

Naunaipkarlugu hivuliqtuniq atuliqtitaugiami ihuaqtuq pitquhinga ihuaqtumik-piyumik

Naunaipkarlugu ayuittiaqhimayat pipkaidjutit ilumuurutinik ukpiriyarnik maligutiuyullu pipkaidjutigiyanut timiqutigiyayut, ilaliutitiluglu hapkuat havaariyarnut. Pihimalugu havaami talvani havaktut ilihimayut aanilimaittut uqariami ihumaalutigiyamiknik uqariamilu tautuktut ihuinaaqtupkaiyunik.

Naunairyuumirumaguvit Nunavut Kavamatkunni [Havakvinga Maligangit Iumuurutinginnik Ukpiriyanginniklu](#), uqaqatigilugu Havaktuliriyiitkunni Havaktinga uumunngaluuniit Havaktuliriyiitkunnut.

Naunaipkarlugit havaktut PSA-tigut, piumayamiknik piliuriami naunaipkaidjutinik, hapummidjutingit PSA tunivagait humunngaugiakhauyullu naunairyuumirumalirumik

Havaktut ilihimayukhauyut pingahuuyut puiguqtailiyakhanginnik:

1. Maliktakhalik [naunaipkaidjutiliuriami](#) GN-nni ukunnautinnagu Maligaliriniqmut Havaktinga
2. Tamna PSA hapummiqatigiya pipkaidjutilluaqtauyumit
3. Humit pittaqtuq naunairyuumirumaguvit

Naunaiqlugu havaktingit piqaqtut naunaitkutikhanik piinarialik taimaa ilihimagiamikni kitunik piyakhangit piliuriami naunaipkaidjutinik:

- Angayukhiyut atan'guyamiknut
- Kitunut atan'nguyamiknut
- Tamna Ministaup Tuglianga munariyuq PSA-mik
- Naunaipkaidjutit ihuaqtumik pipkaingitaukpat 30ni ublunik, uumunnga Maligaliriniqmut Havaktinga

Munariyakhat naunairiami havaktit kangirhiyaat qanuqtut PSA naunaiyaqtaa ihuinaarutiuyut qanuqtutlu pipkaidjutilluaqtauninngit hapummidjutauyut hiamitiqhimaittumik pidjutiyauyukhat.

Piluni naunaipkaidjutinik ihuinaarutauyunik havaktinginnit uqarlugit atan'nguyanut uumunngaluuniit Maligaliriniqmut Havaktinga

Tamna PSA naunaiqtaa ihuinaarutingit uuminnga: "hapkuat pipkaidjutauyut havaktimik piyuq Kavamatkunni Havakvingani pittaarninngani:

- a) Ahiruqtiyuq Maliganganik Maligaliurviup, Maligaryuanga Kaanataup unaluuniit maligaliurvinga qablunaat nunagiyanginni avikturhimayumiluuniit, maliganganiluuniit piliurhimayuq Maliganganit;
- b) Malingitkukni pittaagtut maligakhat piliurhimayuq Ministamit; tamna Minista munariyuq Kiinauyaliqinirmut Maliganganut, unaluuniit Kiinauyaliqinirmut Munariniq Katimayiinginnut pitqutigiquplugu munariniq uumunnga Kavamatkunni Havakvinga unaluunit kavamatkut piqutingit talvunga havaktinga munariyakhaanik;
- c) Ihuittumik aturumiuk kavamatkut maningit unaluuniit kavamatkut tamayanginnik;
- d) Maniliuqtaminik ihuittumik munariniq kavamatkut tamayanginnik unaluuniit ikayuutikhangit talvunga havaktup munariyaanik, unalu pigumi pingitkumiluuniit naunaiqtiqtuq qayagingittumik ihuangittumik ihumagiuknaiqhugit ihuaqtumik munariyakhangit kavamatkut tamayanginnik ikayuutikhanginnikluuniit;
- e) Uumilruktittiyuq uqamaluktumik ningaqluni inukmik havaktiungittumik ahiruqtirumiluuniit inuup kaantranaganikluuniit pilaarutinginnik inukmut havaktunut piyuqluuniit havaanik naunaitkutinikluuniit havaamut qanurittunik havakviuyumimt kavamatkut timiqutigiyauyunitluuniit;
- f) Piyaminik pingitaminikluuniit pipkaidjutiyaq angiyunik qayangnaqtuniklu inuuhiqmut, aaniaqtailininnganut aaniqtailininngaluuniit inukmik, inuknut nanminiqagtunulluuniit tamayanginnut, avatimulluuniit, qayangnautiyumit piyuq qanuqtut piyaa havaanganut aulapkaidjutininngaluuniit havaktum;
- g) Ihumaalutigiryuaqtuq ahiruqtirininga [Maligangit Iluuaurutinginnik Ukpiriyanginniklu](#);
- h) piyut pipkaidjutilluaqtauninngit havaktumut aadlamulluuniit inukmut; unaluuniit
- i) Pitquyauniq, munariniq akhuurutauniqluuniit atan'nguyamit uumanngaluuniit angayukhiyut atan'guyat havaktumut havaktumitluuniit aadlamut inukmut ihuinaarutiqiyuq titiraqhimayumi (a) uumanilu (h)".

Tamna havaktuq tunigumi naunaitkutanik piyuq ihuinaarutimut, naunaiqtukhauyutit [ihuaqtumik naunaitkutimik piyat](#) havaktimut. Naunaiyaqtakhallu taimaa naunaipkainiq ihuinaarutauyunik naunaiyaqhimayuq PSA-mit, taimaaluuniit pidjutinga ihuaqkikhayukhaq aadlamut havaamut, ukunatitut ihuirutautikkut aadlakulluuniit pidjutigiyauyutikhamut pipkaqtillugu havaktuq ihuatqiyautigut havaamut.

Naunaipkaidjutinik ihumapkaingittuq ihuinaaqtumik kihimi ihumaalutigiyauyunut piyuq piyunnautiknut, uqainnariaqatqat havaaqnut uuminnga angayukhiyut atan'guyat. Naluguvit, qiniqhialutit ikayuutikhaqnik Havaktuliriyiitkunniit atan'nguyarnitluuniit. Ihumagigukni havaktup naunaitkutingit ihumaalutigiyuq ihuinaarutiuyuq naunaiyaqhimayuq titiraqhimayumi PSA-mi, pipkaidjutigilugu naunaipkaidjutiuyumik.

Naunaiyaqlugu havaktimut atuqtakhangit pinahuaqtut. Uqaqlugu havakti uqaqatiginiqatqat Havaktuliriyiitkunniit piliuqlugu qilamiuqtumik ihivriurutikhamik ihumaalugiyautingit ittut naunaipkaininngani. Tamna havaktuq naunaipkaqtauyukhaq qanuriliurutinganik pitinnagu 30nik ublunik.

Hapummilugit havaktut piniaruknaqhiyumik pipkaidjutilluaqtauyumit

Hiamitiqtpakaiqlugu hiamitiqnairutinga havaktup naunaipkailiuqtuq aadlallu inuit ilauyut naunaipkailiurutimi, ukuatlu tammaqtaililugit naunaipkaidjutit titiqqat.

Naunaiqlugit havaktut naunaipkailiuqtut unaluuniit tautuktut naunaipkaidjutimut ihivriunniq ilihimayut hapummidjutinik ukunangga pipkaidjutilluaqtauninngit tuniyauyuq PSA-mi, ukuatlu:

- tamna pipkaidjutilluaqtauyumit piyakhauyut;

- tamaita ilitariyauyut pipkaidjutilluaqtauninngit ihuiguutigiyauyut, uqaqtauyukhat uumunnga Maligaliriniqmut Havaktinga

Tamna havaktuq uqarumi ihumaalutimik piliruknaqhiumik pipkaidjutilluaqtauninngit, tunilugu uuminnga [Naunaipkaidjut Apirhuut](#) naunaipkailugillu uumunnga Maligaliriniqmut Havaktinga.

Naunairyuumirumaguvit

- Takulugu Titiraqhimaninnga 6 uumani [Kavamatkunni Havaktingit Maliganga](#)
- Pilluaqlugu uumunnga [Maliktakhaq 209 Havaktuliriyiitkut Maligangani](#)
- Uqaqatigilugu Maligaliriniqmut Havaktinga:
Jeffrey Schnoor
Nunavut Maligaliriniqmut Havaktinga
1-844-ETHICS2 (1-844-384-4272)
Ethics.officer.nu@gmail.com
<http://gov.nu.ca/in/kiinauyaliqiyikkut/information/pittiarahuarnirmut-havakti>